

Kolosiyyaya

Deleewar Mbulus chireethleng nən Kolosiyyaya
də

¹ Kyagha deleewar də ɓa ya a har Mbulus tathlenda Yeeso Kərəsti wurna Faara ka a tsauka tə pər labar Yeeso Kərəsti kanda kyab tə Timoti wan manəm.

² A fa fərkəkafekkya Yeeso Kərəsti na tə tsaurha a Kolosiya. Ngwa tsauka dədemnggid Faara Chinəm tə nggayidghən aten nun.

Usaarha tə hwan Faar Mbulus

³ Kəsər nan naarha usa Faara, Chin Chinəm Yeeso Kərəsti, ana dan a hwan Faara a ten nun.

⁴ Kəsər sək dan labaara aten fərkəkafekkid nun a Yeeso Kərəsti tə nggəmda nun a ənang nda nafiya Faara heu.

⁵ Kəsər ka shiteena nanun təghən aten 'ya dəfang na Faara kun də a talara. 'Wadun teena sək dūn ndən ka a fardī sək nun Labaara yi kəkafek na Mbənggən.

⁶ Labardi na Mbənggən ɓagha thləmad nun ɓa nəghən a weela hu kəshirha də kahad, a kyakhrang wid fiya hai hangga. Kəla kyakhrang nən wid nun hai ka a fardī sək nun labar nggayid kəkafekkid Faara.

⁷ Tsaha wun 'ya aten Labardi na Mbənggən pərangna Abafaras kun pashid tar nan nggəm nan. Ka mafad Kərəsti ni nəghən a əna tar kəkafekkirha a meyed nun.

⁸ Ndəghənni kəm pərangga labara kəm aten nggəmda a fɪngya fərang na Səsəna tə Pedənda kun.

⁹ Nanən kee, ka a fardɪ sək nan fad nun malang ngwan hwan Faara aten nun wa. Hwan dan Faara a ləfanggən kun tə sənda nggəmna hurghən kəmɔa fərang huteena nən kun tə thladwayirha yi Səsəna.

¹⁰ Tərga tsawama hu kwamana na məməl kəla na mid Chinəm kəmɔa kətsar nən əna əngya mbənanngga. Ahu tsawud nun ənama tur əngya heu na nggəngga, non naarha tsərha tə chik sənda Faara.

¹¹ A fərangga Faara kaali kun yi kanglanggirha hu səsəmdəghən, tənun naarha tə munyarha tə mbənafa fa tə kərəsta.

¹² Nama naarha usa Chindi kətsar, ndən tsawangga kəm wal nəm kənaghən ahu əngya dəfang nən nafiɪghən də ahu kutəryid kuk-waryirha.

¹³ Ndəghənni hərghangga kan ba ahu kutəryid wula, dəgha tə kan hu kutəryid Wanggən də nggəm nən.

¹⁴ A fadghən ni wal nəm hərəkrha, चाहंग də dīmɪyid nəm kəm də.

Mamnggit Yeeso Kərəsti

¹⁵ Kərəsti nəghən məməl kəla Faara mbuwa nəm naarha tə yirha. Wan 'waarha ni aten əngya ənana nda heu hu kəshiirha.

¹⁶ Kəsər a fadghən ni ənana Faara əngya heu na a talara tə hweede, na yirha a naarha tə fɪngya mbuwana yirha naarha, tə kutəryirha, nduwa səsəmgga a talara, nduwa kutərya. Ənagha Faara kəshiirha heu a fadghən tə kəm a ndəghən.

¹⁷ Na Kərəsti sə kapa na nda əna əngya heu, ndəghənni kəsgha əngya ha heu ənana Faara a mbərha na ngga.

¹⁸ Ndəghənni teena yi farha, ndəna fatakkwaya, ndəghənni katərarha tə 'waagha thliigha sə ahu mərə, tənən tsaurha ndəghən tafadghən 'wagha ma əngya heu.

¹⁹ Kəsər Faara tafadghən ndən ndaagha na wanggən a tsaurha lələgdə kəla Faara.

²⁰ A fad wanda ni ndana Faara nən a bang kəshiirha heu a thləmadghən ba. Nən a bang tsawud dədəmnggirha ba aten farghən irang nən də aten kadiirha. Wudənggən əngya ba heu ənənən a thləmadghən ba, əngya na hu kəshiirha nduwa na a talara.

²¹ Kaar yi nuwun inggun ma Faara. Fa tsan nggighən ni kun kəsər ka numad tar mbəlfed nun.

²² Amma nanənya, wudəng Faara tsawud dədəmnggirha ba ka mərə Kərəsti hu farha a tsawanggən kun chahal a mbedghən kula ən 'yaara.

²³ Amma tətə ni a dūn mbeedə tə fərəkəkafek ishun ngga aten kəkafek. A nggəmdūn fa wudūn samaddə ahu kaali fərang ni kun a sayiddi səknun labardi na mbənggən. Labardi na mbənggən ya pər ndan də ahu kəshiirha də kahad, nggi Mbulus ndən wurna nda a tsawi mafad Faara a pərghəni də.

Tar Mbulus a fa takkwaya Yeeso

²⁴ Nanənya niyi a tək mbənda fa kəsər ka səsaarha niya ənaarha aten nun. Kəsər ahu səsadfa ni ndən niya ləḏang 'ya takhka yi səsad Kərəsti a meyed fadghən, ndəna fa takkwayighən.

²⁵ Faara ndən wurgha nggi ka a tsawi mafad fa takkwaya Yeeso, a pər labar Faara ni na lələgda,

²⁶ Labardiya, nəghən bəbee ka kətəm. Amma nanənya kyadə pəpal ba a nafiya Faara.

²⁷ Na mid Faara sə a sən kəna tə mamnggirha yi Kərəsti yi nafiya ni mbuwa Yahudaya kəmɗa. Əndani na bəbee ya, na Kərəsti ahur nun. Ndən fərangga shiteena kun na a pər mamnggid ghən nun.

²⁸ Kərəsti ni nan a pər 'ya atenggən, tə sənda nanan təghən ha heu, nan kəs thləmaarha, tə tsahang nda kowunni ha. A ba ɗan tə kanda thləmad Faara ba, na minnan sə a tsawa nda kəla Kərəsti. Na minnan sə a tsənda kəla nafiya Kərəsti.

²⁹ Ndəghən ɗani niya əna taara kaan kəmɗa niyi a əna taara tə səsəmnda heu fəree nən.

2

¹ Na minna sə a sən tur tar ɗa nun niya djitiirha ka kun, tə fɪngya fa fərəkəkafekkya na a Lawudikiya, heu tə fɪngya kəm 'wawaa na nggi.

² 'Ya na minna a wal kaali nda ahur ndan tə kəm wumangga nggəm kanda, tənə nda wal shiiten sənda kaan, tə sən ənɰulten tar Faara na bəbee, ndəna Kərəsti tafadghən.

³ A hurghən ni bəbeng na nda kəna thlad-wayirha sə tə sənda heu.

⁴ Pərang ni ndən kun amawa na niifa huk kun tə mii mbənda.

⁵ Ko nanən nggi tafadna mbiyi a thləmad nun hu thlu farha wa, amma hu səsəna niyi tə kun. Niyi tə wutsəfayirha fa kaan sək ni ishɗun ngga, kun a ɗərha mbeedə ahu fərəkəkafek hu Kərəsti.

Na wal weerinda yibrha sə hu takkwa Yeeso

⁶ Hərəm nun thlə Yeeso Kərəsti fa tsauka Chinəm, daama mbeedə tə tsaurha ahurghən.

⁷ Ngwa nagma thlar nun kudimnggən ahurghən, təngga yibəd nun atənggən. Tənun tsaurha kanglang hu fərkəkafek, kəla tsahang na nda kun ha, dən mbeedə tə usaghən kətsar.

⁸ Kwarama a nggaba niifa kun tə sənda kəshiddiya tə kəm sənda yi hukrha wa, kyagha nda ba a fad fiya, tə səsəmnda səsəngya yi kəshiddiya, kyawa ba a har Kərəsti wa.

⁹ Kəsər ahu Kərəsti ni ləghədna əngya Faara sə heu hu farha.

¹⁰ Kun kəm tsau dən lələgdə ahurghən, ndəghən na manggən aten kutəyirha tə səsəmnda.

¹¹ A hurghən ni thləng na nda muwa kun, mbə thlee mbuwa na niifa mbang ənaarha, amma yandī ənang na Kərəsti kun, tsahangga kun hai tə ən ənad nun yi dīmirha.

¹² Kəsər pang nda kun tə Kərəsti hu mbaptisma. Thləng nda kun sə kəm heu tə Kərəsti hu fərkəkafekkid nun ahu səsəmnda Faara thləngga sə ahu mərə.

¹³ Kar nuwun məməra kəsər ka dīmiyid nun tə kəm kəsər tsahang ngwanda kun hai tə dīmiyid nu yi thlu farha wa. Amma thləng Faara kun sə tə yibrha ahu Kərəsti. Kəsər चाहंग də dīmiyid nəm kəm də.

¹⁴ Fahwang Faara əndə də chireethləng na nda hai mbuwa ngga a tennəm tərənggən də ahu tawang nda də aten kadīrha.

¹⁵ Thlang də karid yanda yi kutərya tə səsəmngya, fərang shilee nən kanda a pəpal,

kal nən kanda mu aten kadīirha.

Takkwa ngyakhkya tsəkkwa wa

¹⁶ Tsaunən kee a nggəmdun fa ngwang ngga niifa kumarha kun aten 'ya nun a həbrha tə saarha wa, nduwa far laf wutsəfayirha, nduwa kyad ndərid wutsəfayid teera, nduwa far yibəd Yahudaya wa.

¹⁷ Ənggini heu ya shishing nda ni kee aten 'ya na bayi kyadang nən fiya, amma Kərəsti ndəna kadghən.

¹⁸ Tsaunən kee, a nggəmdun fa hukka fiya kun tə kyad ndaarha mba nda a manang alten ndan wa tə kəm na nda tərang shilee fathləngya Faara in, kəsər kyadang Faara 'ya kanda. Ka numad dīmiyid ndan na nda a taala.

¹⁹ Bal wanda tə Kərəsti wa, ndəghən na teena hu thlu farha heu. Kərəsti ndən wumangga farha tə maasa tə mbəd njiya, nən naarha tsərha kəla na mid Faara.

²⁰ Tsaunən mur dun tə Kərəsti, tə kəm ndəghang də kun hai tə səsəmda ənkaheeya kəshiddiya. Kama nun a əna əngya mbuwa ngga kəla kun yi kəshiirha ni? Kama nda nggəm nun fa tə ngyakhkya kəshiddiya ənana fiya tə ndaarha,

²¹ “A kəsang na wa! A taarang na wa! A tsuwar nan fa wa?”

²² Tur ngyakhkini ya yi tsahad thlu farha ni mbuwa kwas təla də, ana dun a əna taara sə.

²³ Tur ngyakhkini ya nəghən tə thladwayirha, tə tər shilee yi alteena, na nda a numad ndaarha mba nda a manang alten wa, amma na nda a səsang fandan ni kee. Amma tur ngyakhkya kiya

mbə səsəmənda sə na a danggən niifa sə 'yadang
'ya nən fa nggəməna thlu farha fa wa.

3

Tsaurhahu weerinda yibrha

¹ Tsaunən thleng nda kun sə hu weerinda
yibrha tə Kərəsti, dəfaman yirha əngya fa na a
talara hai a mbədi na Yeeso Kərəsti sə tə tsaurha
a yisəmad Faara.

² Numama a ten əngya na talara, mbə aten ən
kəshiirha wa.

³ Kəsər mər dūn, yibəd nun nəghən bəbee tə
Kərəsti hu Faara.

⁴ A bəd Yeeso bə tsauka yibəd nun hu kəshiddi
ya, nun a naarha təghən heu hu mamnggitghən.

Tsaurha chahal

⁵ Nanən kee, bəlamən dimiyid di tə ən kəshiirha
tərna mid nun, kəla, bəreukirha, kulafayirha,
suna, mbəfeerha, kwidhura ndəghən nggima tar
dāharha ni.

⁶ Kəsər ka əngginiya, ndəna hur Faara səbrha də
aten fīngya kargha takkwaghən fa.

⁷ Kaar nun ənaarha kee, nun naarha wiirha hai
hu tur əngginiya.

⁸ Amma nanənya tətani a nduwun hai tə
əngginiya kəla nda; hufirha hura, kar farha, tə
mbəfeerha, səb thləma nduwa kyagha labaara bə
a miiwa mbuwa ngga

⁹ A nggabang dūn ndan fa wa, tsaunən malang
dūn tur tsawud nun yi thlu farha tə tar mbəfeerha
yi kaar.

¹⁰ Nanən kaldun weerinda farha fa, tsaudun
nafiya pak. Tərdun weerinda tsaurha na

nda kyakhrang hai hu sənda shishingnda tə nggəttəwa.

¹¹ Tsaunən wal dūn weerinda tsaurha, balwa ndaarha sə tə Yahudarha nduwa mbə tə Yahu-darha wa, nduwa tə thleegha muwa tə yandī thlee wa muwa, təmbəng nduwa dalthwa wa, nduwa niifa na tə altenggən nduwa mafarha. Kərəsti ndəghən ni əngya heu, nəghən kəm ahur nəm.

¹² Wurna Faara kun tsawun nafiyyghən na chahal nggəm nən kaan. Nanən kee, tətani non a haɗang ndan fa, ənaman nggayirha ndan, malaman manang nda alteena, tə hakkilo, tə munyarha.

¹³ Kərsaama tə ndan. Chahaman dīmiyyirha ndan də, ana 'yasə a pathlang nun tə ndan, chahaman ndəghən ndan də kəla chahang na Chinəm dīmiyyid nun kəm də.

¹⁴ Ahu əngya heu, nggəmn̄da ndəna manggən ma əngya heu, kəsər nggəmn̄da ndəna wumang əngya heu hu tsaurha tal.

¹⁵ Ngwa tsauka dədəmnggid Kərəsti ahur nun, kəla nanəm tal aah nanda kun a tsawun hu farha tal. Tsawama nafiya na yakh usa Faara kətsar.

¹⁶ Ngwa tsauka labar Kərəsti ahur nun kətsar kəla mbəd dəf wudəbəla. Non naarha tsahang nda ndan ha, kəs thləman ndan nun hu thladwayirha. Non naarha aah amshi yi Dzabura tə yi fal Faara, tə yi səsəna, non naarha kəm usa Faara ahur nun.

¹⁷ Kala 'ya nun a ənaarha, yi labaara nduwa yi taara, ənamadghən ahu thləm Chinəm Yeeso, non naarha usa Faara na Chindi hu fadghən.

Tsaharhaha a wuri Kərəstaya

¹⁸ Kun nishya na a chimarha, fɛrama fad nun a chimayi nun, kɛla nafiya tsauka yi Chinɛm.

¹⁹ Kun hɛshya kɛm nggɛmama nishyi nun. A nadun ngyangthlang a tendan wa.

²⁰ Kun wundakhnaya sɛghama mii fanggɛtyi nun ko ahu mani, kɛsɛr ndɛna mid Chinɛm.

²¹ Kun chingya a billadun wangginun wa, kɛsɛr na hur ndan sɛbrha dɛ mɛrgha fad ndan hai.

²² Kun mafaya fɛraman mamnggirha turayinun na ahu kɛshiirha ko ahu mani. A ɛnadun taara ka nana nda a na kun tɛna nda fal kun wa. A meyedghɛn ɛnama taara pathlang nun tɛ Faara, kɛla nafiya na a tɛrɛm Chinɛm.

²³ Kala 'ya nun a ɛnaarha, ɛnamadghɛn tɛ hura tal kɛsɛr nun a ɛnangghɛn Chinɛm ni, mbɛ a niifa wa.

²⁴ A sɛnunsɛ na Chinɛm a fɛrang langaarha kun yi kɛna tar nun. Kɛsɛr nuwun a ɛna taara yi Chinɛm Kɛrɛsti.

²⁵ Tɛ ɛna tar mbɛlfeerha kɛm, nɛn a wal kɛna tar mbɛlfedghɛn, kɛsɛr mbɛ Faara tattaha wa.

4

¹ Kun na tɛ mafaya ha ɛnaman nggayirha kanda, a sɛnunsɛ na tuwuri nun sɛ kɛm a talara.

Fɛr kaali yi hwan Faara

² Nama naarha a hwan Faara kɛtsar, tsawun nggungwa fa tɛ usa Faara kɛm.

³ Hwana man Faara kansɛ kɛm, tɛna Faara inang kwamana kan hai na a pɛr labarghɛ nan. Pɛr labar ɛnwulten tar Faara nan na bɛbɛɛ, ndɛna labar Kɛrɛsti. Kɛsɛr ka labar dani ya muweena nda hu porsɛna dɛ.

⁴ Hwaneema Faara in tēni pər labardi na bəbee ya ngga, kamngga a əne.

⁵ Nama ndəndəl tē tsawud nun tē fīngya fərwa kəkafek tē Yeeso, tē kəm ənama taara ngga tē kwamana wal nun.

⁶ Kətsar naghā labar nun mbənggən, tē kəm sən kwamana nun kamngga na nggəranggun fīya sə.

Ngwala mii nda'ya

⁷ Na Tikikus a pərang 'ya kun a tenna. Ka niifa ni ahu tar Faara. Kan tēghən nan a əna tar Chinəm.

⁸ Niya thlənggən a thləman nun də ka dəgha fərang kaali kun tē kəm pərang 'ya nən kun na nan ahurghən.

⁹ Nən a tahang nda Onisimus hadə wan tal nun, na nda a pərang 'ya kun na a katərarha hai a mbədiya.

¹⁰ Aristakus nanan hu porsəna tal a ndang'ya kun fa, tē Markus wanman Mbarnaba. Pərang ndan kun yi tē ndaarha, a bəd Markus bə thla-madghən fa tē haara kikyab.

¹¹ Djeshiwa na nda aarha Djustus kəm a ndang'ya kun fa. Ngwala nafiya Yahudayina ni ya mahan na ahur nafiya nan a əna taara yi Kutəryid Faara, nggab nda nggi kaan.

¹² Niif nun na nda aarha Abafaras mafad Yeeso Kərəsti a ndang'ya kun fa. Nən naarha kətsar a hwan Faara a tennun na a tsawun tē kanglang-girha ahu əngya na mid Faara.

¹³ Niyi tē wutsəfayirha fa a pərang ndaarha ni kun nəghən a əna taara kaan ka kun tē kowunni na a Lawudikiya tē Hirapolis.

¹⁴ Təpuwuddi Luka nggəm nəm tə Ndimas kəm, kanda a ndang'ya kun fa.

¹⁵ Ndaman 'ya shayinəm fa na a Lawudikiya tə Nimfa kəm tə fa takkwaya na a wumnda hai a minda keeghən.

¹⁶ A kwasamaddi karatang nun deleewar di ya, karata man ahu kən hwan Faara kəm na a Lawudikiya. Kun kəm karata man deleewar di thlənang nan nafiya Lawidikiya də.

¹⁷ Ndaman Arkibus a kwargha ngwalanggən tərđi fərang na Chinəm ahu harghən hai.

¹⁸ Nggi, Mbulus, tə harna niya chireethleng nda ənna kun fa də. Dalama teena hai niyi hu porsəna. A tsauka nggayid Faara tə kun.

Hona Bible

The New Testament in the Hwana language of Nigeria: Hona Bible

copyright © 2023 The Seed Company in collaboration with Language
Developers and Bible Translators Association

Language: Hona (Hwana)

Contributor: Language Developers and Bible Translators

This translation is made available to you under the terms of the Creative
Commons Attribution Share-Alike license 4.0.

You have permission to share and redistribute this Bible translation in
any format and to make reasonable revisions and adaptations of this
translation, provided that:

You include the above copyright and source information.

If you make any changes to the text, you must indicate that you did so in
a way that makes it clear that the original licensor is not necessarily
endorsing your changes.

If you redistribute this text, you must distribute your contributions
under the same license as the original.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

Note that in addition to the rules above, revising and adapting God's Word
involves a great responsibility to be true to God's Word. See Revelation
22:18-19.

2025-07-18

PDF generated using Haiola and XeLaTeX on 26 Jul 2025 from source files
dated 18 Jul 2025

d942b897-c376-5386-bfaf-e0ce21c59136